

UNIVERZITET U SARAJEVU
POLJOPRIVREDNO-PREHRAMBENI FAKULTET

Na osnovu čl. 121. Zakona o visokom obrazovanju («Sl. novine Kantona Sarajevo», broj: 36/22), čl. 233. Statuta UNSA broj: 01-14-35-1/23 od 26.07.2023. godine i Odluke Senata Univerziteta u Sarajevu broj: 01-10-19/25 od 26.09.2025. godine, raspisuje se

K O N K U R S

za izbor akademskog osoblja u akademsko (nastavno-naučno) zvanje:

- 1. Redovni profesor za naučnu oblast/granu Prehrambene tehnologije jedan izvršilac na puno radno vrijeme**
- 2. Vanredni profesor za naučnu oblast/granu Prehrambene tehnologije jedan izvršilac na puno radno vrijeme**
- 3. Vanredni profesor za naučnu oblast/granu Ekonomika poljoprivrede i prehrambene industrije jedan izvršilac na puno radno vrijeme**
- 4. Vanredni profesor za naučnu oblast/granu Zaštita bilja dva izvršioca na puno radno vrijeme**
- 5. Docent za naučnu oblast/granu Biljna poljoprivredna proizvodnja jedan izvršilac na puno radno vrijeme**

Odredbama člana 112. Zakona o visokom obrazovanju ("Službene novine Kantona Sarajevo", br. 36/22) propisani su minimalni uslovi za izbor akademskog osoblja u akademska (naučno-nastavna) zvanja koje kandidati moraju ispunjavati i potvrditi ispravama i drugom dokumentacijom koja se dostavlja uz prijavu na konkurs.

Zakonski minimalni uslovi za izbor u navedena nastavno-naučna zvanja su:

Redovni profesor: proveden najmanje jedan izborni period u zvanju vanrednog profesora, minimalno osam naučnih radova u priznatim publikacijama objavljenih nakon izbora u zvanje vanrednog profesora, od čega su četiri naučna rada objavljena u publikacijama indeksiranim u relevantnim naučnim bazama, dvije objavljene knjige, dva originalna stručno-naučna djela, kao što je projekt, patent ili originalni metod, te uspješno mentorstvo najmanje tri kandidata za stepen drugog ciklusa/integriranog studija odnosno ekvivalenta i jednog kandidata trećeg ciklusa studija odnosno ekvivalenta.

Vanredni profesor: proveden najmanje jedan izborni period u zvanju docenta, minimalno pet naučnih radova objavljenih u priznatim publikacijama nakon izbora u zvanje docenta, od čega su dva naučna rada objavljena u publikacijama indeksiranim u relevantnim naučnim bazama, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje dva kandidata za stepen drugog ciklusa/integriranog studija odnosno ekvivalenta;

Docent: Naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji indeksiranoj u relevantnim naučnim bazama podataka;

U slučaju da kandidat pri izboru u akademsko zvanje nije ispunio neki od sljedećih uslova: objavljena knjiga, mentorstvo ili originalni stručni uspjeh kao što je projekt, patent ili originalni metod, navedeni uslov može biti zamijenjen ispunjavanjem drugih kriterija kako slijedi:

- a) knjiga se može zamijeniti s tri dodatna naučna rada objavljena u priznatim publikacijama u relevantnim naučnim bazama ili s tri originalna naučna uspjeha kao što su projekat, patent ili originalni metod;
- b) poglavlje knjige/zbornika objavljeno kod izdavača kategorije A prema CERES/EADI listi može supstituirati jedan naučni rad u publikacijama indeksiranim u relevantnim bazama podataka, dok

poglavlje u knjigama/zbornicima domaćih izdavača ili izdavača nižih kategorija prema CERES/EADI listi može supstituirati jedan naučni rad u priznatim publikacijama;

c) mentorstvo na trećem ciklusu studija se može zamijeniti s jedan dodatna naučna rada objavljena u priznatim publikacijama u relevantnim naučnim bazama dva dodatna mentorstva na drugom ciklusu;

d) mentorstvo na drugom ciklusu studija može se zamijeniti s jednim dodatnim naučnim radom objavljenim u priznatoj publikaciji, odnosno, jednim javno predstavljenim umjetničkim radom u slučaju umjetničko-nastavnih zvanja i projekat, patent ili metod ili povećane administrativno-stručne obaveze (vođenje odsjeka, katedri, centra i sl., učešće u komisijama za odbranu, izbor u akademska zvanja isl.);

e) projekt, patent, metod može se zamijeniti za jedan izvorni naučni rad ili povećane administrativno-stručne obaveze (vođenje odsjeka, katedri, centra i sl.);

f) originalni stručni uspjeh kao što je projekt, patent ili originalni metod se može zamijeniti s dva dodatna naučna rada objavljena u priznatoj publikaciji u relevantnim naučnim bazama ili s objavljenom knjigom.

Dokumentacija se dostavlja u originalu ili u ovjerenoj kopiji kako slijedi:

-Prijava na konkurs za izbor u zvanje sa popisom priložene dokumentacije (svi)

-Biografija (CV) (svi)

-Izvod iz matične knjige rođenih i uvjerenje o državljanstvu BIH ne starije od šest mjeseci (svi)

-Ovjerene kopije diploma i druge dokumentacije o stečenom obrazovanju odgovarajućeg studija za oblast za koju se konkuriše ili ovjerene kopije rješenja o priznavanju visokoškolskih kvalifikacija ako su stečene u inostranstvu (svi)

-Podatke o eventualnim nagradama i priznanjima u vezi sa odgovarajućom naučnom oblasti, ako ih posjedujete (svi)

-Lista objavljenih knjiga, udžbenika i nauč. radova kao i same knjige i radovi od posljednjeg izbora u zvanje (1., 2., 3. i 4.)

-Potvrda o provedenom najmanje jednom izbornom periodu u zvanju vanredni profesor (1.)

-Popis od minimalno osam naučnih radova u priznatim publikacijama objavljenih nakon izbora u zvanje vanrednog profesora, od čega su četiri naučna rada objavljena u publikacijama indeksiranim u relevantnim naučnim bazama (popis sa priloženim kopiranim radovima) (1.)

-Dvije objavljene knjige (1.)

-Potvrda o dva originalna stručno-naučna djela, kao što je projekt, patent ili originalni metod (1.)

-Potvrda o uspješno završenom mentorstvu najmanje tri kandidata za stepen drugog ciklusa/integriranog studija odnosno ekvivalenta (1.)

-Potvrda o uspješno završenom mentorstvu jednog kandidata III ciklusa studija odnosno ekvivalenta (1.)

-Potvrda o provedenom najmanje jednom izbornom periodu u zvanju docent (2., 3. i 4.)

-Popis od minimalno pet naučnih radova objavljenih u priznatim publikacijama nakon izbora u zvanje docent, od čega su dva naučna rada objavljena u publikacijama indeksiranim u relevantnim naučnim bazama (popis sa priloženim kopiranim radovima) (2., 3. i 4.)

- Najmanje jedna objavljena knjiga (2., 3. i 4.)

- Potvrda o najmanje jednom originalnom stručno-naučnom djelu, kao što je projekt, patent ili originalni metod (2., 3. i 4.)

- Potvrda o uspješno završenom mentorstvu najmanje dva kandidata za stepen drugog ciklusa/integriranog studija odnosno ekvivalenta (2., 3. i 4.)

-Minimalno tri naučna rada objavljena u priznatim publikacijama, od čega je jedan naučni rad objavljen u publikaciji indeksiranoj u relevantnim naučnim bazama podataka -kopirani radovi (5.)

-Ovjerene kopije uvjerenja o položenim ispitima sa prosjekom ocjena (5.)

-U slučaju da kandidat pri izboru u akademsko zvanje nije ispunio neki od sljedećih uslova: objavljena knjiga, mentorstvo ili originalni stručni uspjeh kao što je projekt, patent ili originalni metod navedeni uslov može biti zamijenjen ispunjavanjem drugih kriterija kako je naprijed navedeno, s tim što kandidat mora navesti i priložiti dokaz o ispunjavanju tih drugih kriterija. (1., 2., 3. i 4.)

-Kandidati koji konkurišu a izabrani su u akademsko zvanje prema odredbama Zakona o visokom obrazovanju («Sl. novine Kantona Sarajevo», broj 33/17, 35/20, 40/20 i 39/21), imaju prava propisana članom 176. Zakona o visokom obrazovanju ("Službene novine Kantona Sarajevo", br. 36/22) i u prijavi

su dužna pozvati se na ista i dokumentovati ispunjavanje uslova za izbor propisanih ranijim Zakonom i provedbenim propisima.

Kandidat koji se prijavljuje na konkurs za izbor u akademsko zvanje, obavezan je u svojoj prijavi naznačiti akademsko zvanje i oblast za koje se prijavljuje. U suprotnom, takva prijava će se smatrati neurednom i neće biti razmatrana.

Konkurs ostaje otvoren 15 dana od dana objavljivanja na web stranici Fakulteta odnosno zaključno sa **24.10.2025. godine**. Bliže informacije o konkursu mogu se dobiti na broj 033 225-727 lokal 111.

Nepotpune i neblagovremene prijave neće se uzimati u razmatranje.

Prijave sa dostavljaju na adresu: UNIVERZITET U SARAJEVU- POLJOPRIVREDNO-PREHRAMBENI
FAKULTET Zmaja od Bosne 8, 71 000 Sarajevo